

SAKSPAPIR

Saksnr	Utval	Type	Dato
072/21	Plan- og kommunalteknisk utval	PS	25.08.2021

Saksbehandlar	ArkivsakID
Pelle Engeseter	20/703

Høringsuttale - Varsel om offentlig ettersyn reguleringsplan E16 og Vossebanen Arna Stanghelle

Vedlegg:

Varsel om offentlig ettersyn reguleringsplan E16 og Vossebanen Arna Stanghelle

Rådmannen sitt framlegg til vedtak:

Osterøy kommune er kritisk til dumping av steinmassar i Sørfjorden.

Grunngjeving: Å dumpe steinmassar i ein fjord bidrar til forstyrringar i sjøbotnen og vil ha negative konsekvensar for miljøet i fjorden. Steinmassar er ein ressurs som kommunen ikkje ønskjer at skal gå tapt, men som heller burde brukast.

Plan- og kommunalteknisk utval - 072/21

PL - behandling:

Alf Terje Mortensen, FRP, gjorde slikt fellesframlegg på vegne av heile utvalet:

"Osterøy kommune stiller seg svært negativ til tanken om å ha sjødeponi i Sørfjorden.

Osterfjordbassenget er eit terskelbasseng som gjer at fjorden er langt grunnare ute mot havet, enn inne i området der deponiet er planlagt. På det grunnaste er fjorden berre om lag 70 meter djup og det er nokså langt ute. Deponiet er planlagt på langt større djupne.

Dette gjer at vassutskiftinga i dei djupe partia som der til dømes deponiet er planlagt er svært låg. Målingar som tidlegare er gjort i dette området viser ein vasskvalitet som frå relativt låg djupne og vidare ned i fjorden er svært dårleg. Målingane syner vatn utan oksygeninnhald i det heile. Det er difor direkte uklokt å ha tiltak i denne delen av fjorden som vil redusere vasskvaliteten ytterlegare. Dersom det vert etablert sjødeponi så langt inne i fjorden, fryktar Osterøy Kommune at de vil det kunne føre til varig og irreversibel skade på miljøet i Sørfjorden og Veafjorden. Vasskvaliteten lengre ute i Osterfjordbassenget er betre, men likevel langt frå god i djupare vasslag. Osterøy kommune bed om at det ikkje vert etablert sjødeponi i Osterfjordbassenget i det heile.

Steinmassar er ein ressurs som kommunen ikkje ynskjer at skal gå tapt, men som heller burde brukast til samfunnsnyttige føremål."

AVRØYSTING:

Samrøystes

PL - vedtak:

Osterøy kommune stiller seg svært negativ til tanken om å ha sjødeponi i Sørfjorden.

Osterfjordbassenget er eit terskelbasseng som gjer at fjorden er langt grunnare ute mot havet, enn inne i området der deponiet er planlagt. På det grunnaste er fjorden berre om lag 70 meter djup og det er nokså langt ute. Deponiet er planlagt på langt større djupne.

Dette gjer at vassutskiftinga i dei djupe partia som der til dømes deponiet er planlagt er svært låg. Målingar som tidlegare er gjort i dette området viser ein vasskvalitet som frå relativt låg djupne og vidare ned i fjorden er svært dårleg. Målingane syner vatn utan oksygeninnhald i det heile. Det er difor direkte uklokt å ha tiltak i denne delen av fjorden som vil redusere vasskvaliteten ytterlegare. Dersom det vert etablert sjødeponi så langt inne i fjorden, fryktar Osterøy Kommune at de vil det kunne føre til varig og irreversibel skade på miljøet i I Sørfjorden og Veafjorden. Vasskvaliteten lengre ute i Osterfjordbassenget er betre, men likevel langt frå god i djupare vasslag. Osterøy kommune bed om at det ikkje vert etablert sjødeponi i Osterfjordbassenget i det heile.

Steinmassar er ein ressurs som kommunen ikkje ynskjer at skal gå tapt, men som heller burde brukast til samfunnsnyttige føremål.

Saksopplysningar:

Saksopplysningar:

Sjå vedlegg.

Framlegget til Reguleringsplan gjev signal om dumping av steinmassar i Sørfjorden utanfor Osterøy.

Saka vert gjort nærare greie for munnleg i møtet.

Vurdering

Å dumpe steinmassar i en fjord bidrar til forstyrringar i sjøbotnen og vil ha negative konsekvensar for sjøbotnen og elles for miljøet i fjorden. Steinmassar er ein ressurs som vi ikkje ønskjer at skal gå til spille, men som heller burde brukast.

Konklusjon

Kommunen er kritisk til dumping av steinmassar i Sørfjorden og ønskjer at det vil bli vurdert alternativ deponering og bruk av steinmassane på landjorda.